



古詩
周鼎
藏

全圖詩三百
經海及通

孟東野詩集卷第六

山南西道節度參謀試大理評事平昌孟郊

行役

西上經靈寶觀一首

泛黃河一首

往河陽宿峽陵寄李侍御一首

鷓路溪行呈陸中丞一首

獨宿峴首憶長安故人一首

自商州行謁復州盧使君度一首

夢澤行一首 京山行一首

孟郊詩集

卷第六

經海及通

全圖詩三百

旅次湘沅有懷靈均一首

過彭澤一首 過分水嶺一首

分水嶺別夜示從弟寂一首

連州吟三章 旅行一首

紀贈

上河陽李大夫一首

投贈張端公一首

贈蘇州韋郎中使君一首

上張徐州一首 上邑祭酒一首

贈崔純亮一首 贈文應上人一首

嚴河南一首 贈李觀一首

吳安西館從弟楚客一首

贈章仇將軍一首

贈道月上人一首

行情因上郎中二十二叔監察十五

叔兼呈李端公柳縝評事一首

贈城郭道士一首

桐廬山中贈李明府一首

獻漢南楚尚書一首

贈轉運陸中丞一首

贈萬年陸郎中一首

擢第後東歸書懷獻坐主呂侍郎一首

古意贈梁肅補闕一首

贈黔府王中丞楚一首

上達奚舍人一首

贈主人一首 贈建業契公一首

獻襄陽于大夫一首

贈鄭夫子魴一首

大隱詠三首 崔從事郎以有德職章仇將軍良奔公守貞

趙記室叔在職無事

魏博田興尚書聽嫂之命不立非夫人
人詩一首

讀經一首 謝李軻再到一首

忽不負喜盧仝書船歸洛一首

贈韓即中愈二首
戲贈無本二首

行役

西上經靈寶觀即尹真

道士無白髮語音一作靈泉清青松多壽色白
石_門夜明放步霽霞起振衣華風生真文秘中
頂寶氣浮四楹一片古關路萬里今人行上仙
一可見驅策徒西征

泛黃河

誰開崑崙源流出混沌河積雨一作飛作風

同託意皆有因商嶺蒼苔滑石坂上下頻江漢
沙泥濼永日水昨光景新獨淡起殘夜孤吟望
初晨驅馳竟何事章句依深仁

○○○○夢澤行

楚山爭蔽虧日月無全輝楚路饒迴惑旅人有
一作迷歸騏驥思北首鷓鴣顧南飛我懷京雒
遊未厭風塵衣

○○○○京山行

衆虫聚病馬流血不得行後路起夜色前山聞
虎聲此時遊子心百尺風中旌

○○○○旅次湘沅有懷靈均

分拙多感激久遊遵長塗經過湘水源懷古方
踟躕舊稱楚靈均此處殞忠軀側聆故老言遂
得旌賢愚名參君子場行爲小人儒騷文銜貞
亮體物情崎嶇三黜有愠色即非賢哲模五十一
爵高秩謬膺從大夫曾襟積憂愁容鬢復一作
彫枯死爲不弔鬼生作猜謗徒吟澤潔其身忠
節寧見輸懷沙滅其性孝行焉能俱且聞善稱
君一何善自殊且聞過稱已一何過不渝悠哉
風土人角黍投川隅相傳歷千祀哀悼延八區

如今聖明朝養育無羈孤君臣逸雍熙德化盈
紛敷中車徇前侶白日猶昆吾寄君臣子心成
此真良圖

○○○○過彭澤

揚帆過彭澤舟人訝歎息不見種柳人霜風空
寂歷

○○○○過分水嶺

山壯馬力短路行石齒中十步九舉轡迴環失
西東溪水變為雨懸崖陰濛濛客衣颼颼秋葛
花零落風白日捨我没一作征途忽然窮

○○○○分水嶺別夜示從弟寂一作示

南中少平地山水重疊生別泉萬餘曲迷舟獨
難行四際亂峯合一眺千慮并潺湲冬夏冷光
彩晝夜明賞心難久勝離腸忽自驚古木搖霽
色高風動秋聲一作飲爾一樽酒慰
我百憂輕嘉期何處定此晨堪寄情

連州吟三章

春風朝夕起吹綠日日深試為連州吟淚下不
可禁連山何連連連天碧岑峯哀猿哭花死子
規裂客心蘭芷結新佩滿湘道舊音怨聲能剪

絃坐撫零落琴

羽翼不自有相追力難任唯憑方寸靈獨夜萬里尋方尋魂聽聽南夢山岷嶽鬢歸驚題題志窄聞楓林正直被放者鬼魅無所侵賢人多安排俗士多虛歎恐懷吐明月泉毀錄黃金額君保玄曜壯志無自況

朝亦連州吟暮亦連州吟連州果有信一紙萬里心開緘白雲斷明月惜衣襟南風嘶瘴苦竹動猿音萬里愁一色瀟湘雨淫淫兩劍忽相觸雙蛟恣浮沉關水正迴幹倒流安可禁空懸

江海信驚浪隔相尋

旅行

楚水結冰薄楚雲為雨微野梅參差發旅榜道遙歸

紀贈

上河陽李大夫

壯將秉神略至兵無猛威三軍當嚴冬一撫勝重衣霜劍奪衆景夜星失長輝蒼鷹獨立時惡鳥不敢飛武定鎖天關河橋紐地機大將奚以安守此稱者稀貧士少顏色貴門多輕肥試登

宋刊仇紀贈一行三字
旁書李大夫題下

山岳高方見草木微山岳息既廣草木心皆歸

投贈張端公

君子量不極曾吞百川流嫉邪霜氣直問俗春
辭柔日戶晝輝靜月孟宵景幽詠驚芙蓉發笑
激風颺秋鷺步獨無侶鶴音仍寡傳幸沾分寸
顧散此千萬憂

贈蘇州韋郎中使君

謝客吟一聲霜落羣聽清文含元氣柔鼓動萬
物輕嘉木依性植曲枝亦不生塵埃徐庾詞金
玉曹劉名章句作雅正江山益鮮明蘋萍一浪

草菰蒲片池榮曾是康樂詠如今舉其英顧惟
菲薄質亦願將此并

上張徐州

為水不入海安得浮天波為木不在山安得橫
日柯再來君子傍始覺精義多一作大德唯二
施衆情自偏頗至樂無一作宮徵至聲遺謳詞
願鼓空桑絃永使萬物和顧已誠拙訥干名已
蹉跎獻詞唯在口所欲無餘它乍作支泉石乍
作翳松蘿一不改方圓破質為琢磨賤子本如
此大賢心若何豈是無異途異途難經過

□□□□上包祭酒

岳岳冠蓋彥英英文字雄瓊音獨聽時塵韻因
不同春雲生紙上秋濤起卽中時吟五君詠再
舉七子風何幸松桂侶見知勤苦功願將黃鶴
翅一借飛雲空

□□□□贈崔純亮

食蕘腸亦苦強歌聲無歡出門卽有礙誰謂天
地寬有礙非遐方長安大道傍小人智慮險平
地生太行鏡破不改光蘭死不改香始知君子
心交义道益彰君心與我懷離別俱迴追譬如

浸藥泉流苦已日長忍泣目易衰忍憂形易傷
項籍非不壯賈生非不良當其失意時涕泗各
沾裳古人勸加食一作此食一作難自強一飯
九祝壹一嗟十斷腸況是兒女怨怨氣凌彼蒼
彼蒼昔有知白日下清霜今朝始驚歎一作碧
落空茫茫

□□□□贈文應上人

棲遲青山巔高靜身所便不踐有命草但飲無
聲泉齋性空轉寂學情深更專經文開貝葉衣
製垂秋蓮賦此俗人羣暫來還却旋

嚴河南

赤令風骨峭語言清霜寒不必用雄威見者毛
髮攢我有赤令心未得赤令官終朝衡門下忍
志將筑彈君從西省即正有東洛觀洛民蕭條
又威恩憫撫難苦竹聲嘯雪夜齋聞千竿詩人
偶寄耳聽苦心多端多端落盃酒酒中方得歡
隱士多隱酒此言信難刊取次令坊沽舉止務
在寬何必紅燭嬌始言清宴闌丈夫莫矜莊矜
莊不中看

贈李觀觀初登第

宋刊志序跋

誰言形影親燈滅影去身誰言魚水歡水竭魚
枯一作鱗昔為同恨客今為獨笑人捨予在泥
轍飄跡上雲津卧木易成蠹棄花難再春何言
對芳景愁望極蕭晨埋劍誰識氣匣絃日生塵
頽君語高風為余問蒼旻

吳安西館贈從弟楚客

蒙籠楊柳館中有南風生風生今為誰湘客多
遠情孤枕楚水夢獨枕楚江程覺來殘恨深
尚與歸路并玉匣正絃在請君時一鳴

贈章仇將軍

將軍不誇劍才氣為英雄五岳拽力內百川傾
意中本立誰敢拔飛文自難窮前時天地翻已
有扶正功

贈道月上人

僧兒淨無點僧衣寧綴華尋常晝日行不使身
影斜飯木煮松栢坐山敷一作雲霞欲知禪隱
高緝薜為袈裟

杼情因上郎中二十二叔監察十五叔
兼呈李益端公柳縝評事

方憑指下絃寫出心中言寸草賤子命高山主

人恩遊邊風沙意夢楚波濤鬼一日引別袂九
迴霑淚痕自悲何以然在禮闈晨昏名利時轉
甚是非宵亦喧浮情少定主百慮隨世翻舉此
曾臆恨幸從賢哲論明明三飛鸞一作雙鳥照
物如朝職

贈城郭道士

望裏失却山聽中遺却泉松枝休策雲藥囊翻
貯錢曾依青桂鄰學得白雲絃別別意未迴世
上為隱仙

桐廬山中贈李明府

靜境無濁氛清雨零碧雲千山不隱響一葉動
亦聞即此佳志士精微誰相羣欲識楚一作章
句袖中蘭芷薰

獻漢南樊尚書

天下昔崩亂大君識賢臣衆木盡搖落始見竹
色真兵執走山岳陽光潛埃塵心開玄女符面
縛清波入異俗既從化澆風亦歸淳自公理斯
郡寒谷皆變春旗影卷赤電劍鋒匣青鱗如何
嵩高氣作鎮楚水濱雲鏡忽開霽一作景孤光射
無垠乃知尋常鑒照影不照神

贈轉運陸中丞

掌運職既大摧邪名更雄鵬飛簸曲雲鴟忽生
直風投彼霜雪令翦除荆棘荒楚倉傾向西吳
未發一作登自東仇影咽河口車聲聾關中堯知
才策高人喜道路通皆驚內史力繼得鄭侯功
萊子負為少相如未免窮衣花野齒昔書葉山
梧桐不是宗匠心誰憐久栖蓬

贈萬年陸郎中

天子憂劇縣寄深華省即紛紛風響珮整雲劍
開霜舊事笑堆案新聲唯雅章誰言百里才終

作橫天梁江鴻恥承春雲津未能翔徘徊塵俗
中短毛毳無輝光

擢第後東歸書懷獻坐主呂侍郎

昔歲辭親決今為戀恩泣去住情難並別離景
易戰天矯大空鱗曾為小泉蟄幽意獨沉時震
雷忽相及神行既不宰直致非所執至運本遺
功輕生各苦一作自立大君思此化良佐自然集
寶鏡無私光時文有新習慈親誠志就賤子歸
情急摧第謝靈臺牽衣一作出皇邑行襟海月
曙逸抱江風入兼葭得波浪芙蓉紅岸濕雲寺

宋刊脫文字

勢動搖山鐘韻嘯吸舊遊期再踐懸水得重挹
松蘿雖可居青紫終當拾

古意贈梁肅補闕

曲木忌日影讒人畏賢明自然照燭間不受邪
佞輕不有百鍊火孰知寸金精金鉛正同一作
鑪願分精與麤

贈黔府王中丞楚

舊說天下山半在黔中青又聞天下泉半落黔
中鳴山水千萬遠中有君子行儒風一以扇汗
俗心皆平我願中國春化從異方生昔為陰草

宋刊脫化字

毒今為陽華英嘉實綴綠蔓涼湍瀉清聲逍遙
物景勝視聽空曠并困驥猶在轅沉珠尚隱精
路遐莫及盼泥污日已盈歲宴將何從落葉甘
自輕

上達溪舍人

北山少日月草木苦風霜貧士在重坎食梅有
酸腸萬俗皆走圓一身心作猶學方常恐衆毀
至春葉成秋黃大賢秉高鑒公燭無私光暗室
曉未及幽吟涕空行

贈主人

及書桐亭來

斗水瀉大海不如瀉枯池分明賢達交豈顧豪
華兒海有不足流豪有不足資枯鱗易為水貧
士易為施幸覩君子席會將幽賤期側聞清風
議如飲黃金危此道與日月同光無盡時

贈建業吳公

師住青山寺清華常逸身雖然到城郭衣上不
棲塵

獻襄陽于大夫

襄陽青山郭漢江白銅堤謝公領茲郡山水無
塵泥鐵馬萬霜雪絳旗千虹蜺風漪參差泛石

板重疊躋舊決不復憶新歡居然齊還耕竟原
野歸老相扶携物色增曖曖寒芳更萋萋淵清
有遐略高躅無近蹊一作衆賦無暴即此富蒼
翠自然引翔棲曩遊常抱憶夙好今尚睽願言
從逸轡暇日凌清溪

贈鄭夫子魴

天地入骨髓吁嗟生風雷文章得其微物象由
我裁宋玉逞大句李白飛狂才苟非聖賢心孰
與造化該勉矣鄭夫子驪珠全始胎

大隱訪三首

宋刊古人詩章仇詩

崔從事鄭以直隲職一作官

古人留清風千載遙贈君破松見貞心裂竹看
直文殘月色不改高賢德常新家懷詩書富宅
抱草木貧安得一蹄泉來化千尺鱗含意永不
語釣璜幽水濱

章仇將軍良棄功守貧

飲君江海心詎一作能辨淺深揖君山岳德誰
能齊嶽岑東海精為月西岳氣凝金進則萬景
晝一作退盡則羣物陰我欲薦此言天門峻沉沉
風颭亦感激為我颯颯吟

宋刊飲君作在從事詩

趙記室倣在職無事

卑靜身後老高動物先摧方圓水任器剛勁木
成灰大道毋羣物達人腹衆才時吟堯舜篇心
向無爲開彼隱山萬曲我隱酒一杯公庭何所
有日日清風來

贈韓郎中愈二首

何以定結一作交契贈君高山石何以保貞堅
君青松色貧居過此外無可相彩飾聞君碩鼠
詩吟之浹空滴
碩鼠既穿墉又嚙樓上絲穿墉有閑一作土嚙

前日一首宋刊無

絲無餘衣朝吟枯桑拓暮泣穿杼機豈是無巧

妙絲斷將何施衆人上肥華志士多饑羸願君

保此節此一作貞節天意當察微右二詩一
本一作十詩

前日遠別離今日生白髮欲知萬里情曉卧半

牀月常恐百蟲秋使我芳草歇此一本無
一篇

戲贈无本二首

長安秋聲乾木葉相號悲瘦僧卧冰凌朝一作

詠含金瘡金瘡非戰痕峭病方在茲詩骨聳東


野詩清湧退之有時踉蹌行人驚鶴阿師可惜

字杜死不見此狂癡

燕僧聳聽詞袈裟喜新翻北岳厭利殺玄功生
微言天高亦可飛海廣亦可源文章查無底斷
掘誰能根夢靈髻歸到匪我方與論拾月鯨口
邊何人免為吞燕僧擺造化萬有隨手奔補綴
誰震衣笑傲諸貴門將明文在身亦爾村作道
所存朔雪凝別句朔風飄征魂再期嵩少遊一
訪蓬蘿村春草步步綠春山日日宣遙鷲相應
吟晚聽恐不繁相思塞心甯高逸難攀援

詩後空四葉為前半葉

孟東野詩集卷第六 此行在後葉第五行 後空六行



孟東野詩集卷第七

山南西道節度參謀試大理評事平昌孟郊

懷寄 平昌孟郊

寄張籍一首

憶周秀才素上人時間各在一方

舟中喜遇從叔簡別後寄上時從叔

初擢第歸江南部不從行一首

懷南岳隱士二首

春夜憶蕭子真一首

寄院中諸公一首

寄洛州李大夫一首

寄盧虔使君一首

寄崔純亮一首

汴州離亂後憶韓愈李翱一首

寄張籍一首 寄義興小女子一首

憶江南弟一首

宿空姪院寄公一首

寄汝府鄧給事一首

送諫議十六叔至孝義渡後寄一首

至孝義渡寄鄭軍事唐二十五一首

酬答

答友人一首

酬友人見寄新文一首

答韓愈李觀別因獻張徐州一首

答畫上人止讒作一首

答姚慈見寄一首

答郭卽中一首

答盧虔故園見寄一首

汝墳蒙從弟楚材見贈時郊將入秦

楚材適楚一首

酬盧躬少府一首少府一首
酬李侍御書記秋夕雨中病假見寄
一首

答盧仝一首

奉報舍人張翰林見遺之詩一首

送別上

送從弟鄧東歸一首

山中送從叔簡赴舉一首

送別崔寅亮下第一首

大梁送柳淳先入關一首

送無懷道士遊富青山水一首

送溫初下第一首

送盧虔端公守復州一首

送曉公歸庭山一首

送任齊二秀才自洞庭遊宣城一首

送豆盧策歸別墅一首

送清遠上人歸楚山舊寺一首

山中送從叔簡一首

送蕭鍊師入四明山一首

懷寄

寄張籍

夜鏡不照物朝光何時昇黯然秋思來一作愁

兼走入志士膺志士惜時逝一宵三四興清漢一作愁

徒自朗濁河終無澄舊愛忽已遠新愁坐相凌

君其隱壯懷我亦逃名稱古人貴從晦君子思

黨朋傾敗生所競保全歸暗暗一作借浮雲何當

來潛虬會飛騰

憶周秀才素上人時聞各在一方

東西分我情
魂夢安能定
野客雲作心
高僧月為性
浮雲自高閣
明月常空淨
衣敝得古風
居山無俗病
吟聽碧雲語
手把青松柄
羨爾欲寄書
飛禽杳難倩

舟中喜遇從叔簡別後寄上時從叔初擢第歸江南郊不從行

一意兩片雲
暫合還却分
南雲乘慶歸
北雲與誰羣
寄聲千里風
相喚聞不聞

懷南岳隱士二首

見說祝融峯
擎天勢似騰
藏千尋布水
出十八高僧
古路無人跡
新霞吐石稜
終居將爾叟
一
共余登

千峯映碧湘
真叟此中藏
飯不煑石喫
眉應似髮長
楓裡榼酒甕
鶴虱落琴床
強效忘機者
斯人尚未忘

春夜憶蕭子真

半夜不成寐
燈盡又無月
獨向堦前立
子規啼不歇
況我有金蘭
忽爾為胡越
爭得明鏡中
又長無白髮

寄院中諸公

奕奕秋水傍駸駸綠雲蹄月仙有高矚靈鳳無
卑棲翠色遶雲谷碧華凝句溪竹林迤歷覽雲
寺行攀躋冠豸猶屈蠖匣龍期割犀千山驚月
曉百里聞霜輦戎府多秀異謝公期相攜因之
仰羣芳養拙固難齊

寄洛州李大夫

自從薊師反中國事紛紛儒道一失所賢人多
在軍鳥巢憂迸射鹿耳駭驚聞劔折唯恐匣一作
塵弓貪不讓勳方知省事將動必謝前羣鶴陣

常先罷魚符最晚分步聞洛水曲突激太行雲
詩叟未相識竹兒爭見君殷勤越談說記盡士

風文一作

口口口寄盧虔使君

霜露再相換遊人猶未歸歲新月改色客又線
斷衣有鶴冰在翅竟父力難飛千家舊素沼昨
日生綠輝春色若不可一作借為君安芳菲

口口口寄崔純亮

百川有餘水大海無滿波器量各相懸賢愚不
同科羣辯有姿語眾歡無一作行歌離餘洛陽

子鬱鬱恨常多時讀過秦篇為君涕滂沱
○○○○汴州離亂後憶韓愈李翱

會合一時哭別離三斷腸殘花不待風春盡各
飛揚權去收不得悲來難自防孤門清館夜獨
卧明月床忠直血白刃道路聲蒼黃食恩三千
士一旦為豺狼海島士皆直夷門士非良人心
既不類天道亦反常自殺與彼一作殺未知何
者臧

○○○○寄張籍

未見天子面不如雙盲人賈生對文帝終日猶

臧宋刊

百五葉

宋刊無夢中稱臣言五字
又無貧西京無眼五字

悲辛夫子亦如盲所以空世麟有時獨齋心髮
歸夢稱臣夢中稱臣言覺後真埃塵東京有眼
富不如西京無眼貧西京無眼猶有耳隔牆時
聞天子車七字轉轉轉車聲輾冰至南郊
壇上禮百神西明寺後躬瞻張太祝縱爾有眼
誰爾珍天子只尺不得見不如閉眼且養真

寄義興小女子

江南莊宅淺所固唯踈籬小女未解行酒第
婦老更癡家中多吳語教爾遙可知山怪夜動
門水妖時弄池所憂癡酒腸不解委向辭漁老

性強強耕童手數耨想茲為楛得如鳥拾柴枝
我詠元魯山曾臆流甘滋終當學百乳起坐常
精隨

憶江南弟

白首眼垂血曾爾唯夢中筋力強起時魂錫
在東眼光寄明星起來東望空望空不見人江
海波無窮衰老無氣力呼叫不成風子然憶憶
言落也何由通常師共被教竟作生離翁生離
不可訴上天曾聰未忍對松栢自鞭殘朽躬
自樂亦何益教非所崇努力拄杖來餘活與

爾同不然死後恥遺死亦有終

宿空姪院寄澹公

夜坐冷竹聲二三高人語燈窻看律鈔小師別
為侶雪簷晴滴滴茗椀華舉舉磬音多風颺聲
韻聞江楚官街不相隔詩思空愁予明日策杖
歸去住兩延佇

寄陝府鄧一作給事

陝城臨大道館宇屹幾鮮候謁隨芳一作語鏗
詞芬蜀牋從來鏡目下見盡道心前自謂古詩
量異一作將新學偏憇人年六十每月請三千

不敢等閑用願為長壽錢非關亦潔爾將以救
 羸然孤省癡皎皎默吟寫綿綿病書憑晝日驛
 信寄宵鞭疾訴將何論肆鱗今倒懸塵鯉見枯
 浪土鬢思乾泉感感無緒蕩愁愁作滄貞元
 文祭酒御陽比謹學韋玄滿坐無風雜當朝雅
 獨全見知囑徐孺御陽賞句類陶淵一顧生鴻
 羽再言將鶴翮宣揚隘車馬君子湊駢闐曾是
 此同睽至今應賜憐磨墨零落淚措字貢仁賢
 送諫議十六叔至孝義渡後奉寄

誰僚別飲孤易醒離憂壯難銷文清雖無敵儒
 貴不敢驕江吏捧紫泥海旗翦紅蕉分明太守
 禮跨躡毗陵橋伊洛去未迴遐矚空寂寥

至孝義渡寄鄭軍事唐二十五

咫尺不得見心中空嗟嗟官街泥水深下脚道
 路斜蒿少玉峻峻伊雒碧華華岸亭當四迥詩
 老獨一家消叟何所如鄭食唯有些何當來說
 事為君開流霞

言酬答

答友人

白日照清水淺深無隱姿
君子業高文懷抱多
正思砥行碧山石
結交青松枝碧山無轉易
青松難傾移落落出俗韻
琅琅大雅詞自非隨氏
掌明月安能持千里不可倒
一返無近期一辨
如何非意中良覲忽在茲
道語必踈淡儒
風易凌運願存堅貞節勿為霜霰欺

酬友人見寄新文

為客棲未定況當玄月中
繁雲翳碧霄落雪和
清風郊陌絕行人原隰多
飛蓬耕牛返村巷野
鳥依房櫺我無飢凍憂
身託蓮花宮安閑賴禪

伯復得疏塵蒙覽君郢曲文
詞彩何冲融謳吟
不能已頓覺形神空

答韓愈李觀別因獻張徐州

富別愁在顏貧別愁銷骨
懶磨舊銅鏡畏見新
白髮古樹春無花子規啼
有血離絃不堪聽一
聽四五絕世途非一險
俗慮有千結有客步大
方驅車獨迷轍故人韓
與李逸翰雙皎潔哀我
摧折歸贈詞縱橫設徐
方國東樞元戎天下傑
欄生投刺遊王粲吟詩
謁高情無遺照朝抱開
曉月有土不埋冤有讎
皆為雪願為直草木未

向君地列願為古琴瑟永向君聽發欲識丈夫
心曾將孤劍說

荅書上人止讒作

烈烈鸞鴛吟鏗鏗琅玕音泉推明月嘯鶴起清
風心渭水不可渾涇流徒相侵俗侶唱桃葉隱
鈿一作鳴桂琴子野真遺却浮淺藏淵深

荅姚怱見寄

日月不同光晝夜各有宜賢哲不苟合出處亦
待時而我獨迷見意求異士知如將舞鶴管誤
向驚鳥吹大雅難具陳正聲易漂淪君有丈夫

淚泣人不泣身行吟楚山下一作義淚沾衣巾

荅郭郎中

松柏死不變千年色青青志上貧更堅守道無
異營每彈瀟湘瑟獨抱風波聲中有失意吟知
者淚滿纓何以報知者未存堅與貞

荅盧虔故園見寄

訪舊無一人獨歸清雒春花間哭聲死水見別
容新亂後故鄉宅多為行路塵因悲楚左右謗
玉不知珉

波墳蒙從弟楚材見贈時郊將入秦楚

材適楚

朝為主人一作夕一作行客吟汝水忽淒咽汝風流

苦音北闕秦門高南路一作楚石深分淚洒白

日離腸繞青岑何以寄遠懷一作黃鶴能相尋

同從叔簡酬盧殷少府

梅尉吟楚聲竹風為淒清深虛冰在性高潔雲

入情借水洗悶兒寄蕉書逸名羞將片石文闢

此雙瓊英

酬李侍御書記秋夕雨中病假見寄

秋風遶衰柳遠客聞雨聲重茲阻良夕孤坐唯

積誠果枉移疾詠中含嘉慮明洗滌煩濁盡視
聽昭曠生未覺衾枕倦久為章奏嬰達人不寶
一作藥所保在閑情

荅盧仝

楚屈入水死詩死路雪僵直氣苟有存死亦何

所妨日劈高查牙清稜含冰漿前古後古冰與

山氣勢強閃怪千石形異狀安可量有時春鏡

破百道聲飛揚潛仙不足言朗客無隱腸為君

傾海宇日夕多文章天下豈無緣此山雪昂藏

煩君前致詞哀我老更狂狂歌不及狂歌聲綠

鳳凰鳳兮何當來消我孤直瘡君文真鳳聲宣
隘滿鏗鏘洛友零落盡速茲悲重傷獨自奮異
骨將騎白斗作角翔再三勸莫行寒氣有刀槍
仰慙君子多慎勿作芬芳

奉報翰林張舍人見遺之詩

百蟲笑秋律清削月夜聞曉稜視聽微風翦葉
已紛君子鑒大雅老人非俊羣收拾古所棄俛
仰補空文孤韻恥春俗餘響逸零零自然蹈終
南滌暑凌寒氛巖霰不知午礪澌鎮含曠曾是
醒古醉所以多隱淪江調樂之遠溪謠生徒新

百二葉

衆蘊有餘採寒泉空哀呻南謝竟莫至北宋當
時珍賸靈各自異酌酒對誰能均昔詠多寫
諷今詞詎無因品松位何高翠宮沒荒榛苔趾
識宋製沙濼游崩津忽吟陶淵明此即羲皇人
心放出天地形拘在風塵前賢素行階風嗜青
山勤達士立明鏡朗言為近臣將期律萬有傾
倒甄無垠獄鳥驚應蟋蟀絲毫意皆申況於三千
章哀叩不為神

送別上

送從弟郢東歸

宋刊脫上字二字註送
別二字於送從弟郢下

送士宋刊
誤幸上

爾去東南夜我無西北夢誰言負別易貧別愁
更重曉色奪明月征人逐羣動秋風楚濤高旅
榜將誰共

山中送從叔簡赴舉

石根百尺杉山眼一片泉倚一作之道氣高飲
之詩思鮮於此逍遙場忽奏別離絃却笑薜蘿
子不同鳴躍年

送別崔寅亮下第弟

天地唯一氣用之自偏頗憂入成苦吟達士為
高歌君子識不淺桂枝幽更多歲晏期攀折時

識書棚本識

歸且娑娑素管如削一作玉清詞若傾一作河
虬龍未化時魚鱉同一波去矣當自適故鄉饒
薜蘿

大梁送柳淳先入關

青山輾為塵白日無閑人自古推高車爭利西
入秦王門與侯門待富不待貧空攜二束書去
去誰相親一本空囊一束

送無懷道士遊富春山水一作送別吳

造化絕一作見一作高處富春獨多觀山濃翠滴瀝一作
水折珠摧殘溪鏡不隱髮樹衣長遇一作寒

風猿虛空飛月伉叫嘯酸信此神仙路一作豈
為時俗安黃金陰陽火一作木囚怪星宿壇花
發我一作或未識玉生忽藁攢蓬萊浮蕩漾非道
相從難

送温初下第

日落濁水中夜光誰能分高懷無近趣清抱多
遠聞欲識丈夫志心藏孤岳雲長安風塵別咫尺
不見君

送盧虔端公守復州

師曠聽羣木自然識孤桐正聲逢知音願出大

朴中知音不韻俗獨立占一作古風忽挂觸那
冠速逐南飛鴻肅肅太守章明明華較能高山
無平路楚水有鷺渚日月千里外光陰難載同
新愁徒自積良會何由通

送任齊二秀才自洞庭遊宣城

文章者賢人之心氣也心氣樂則文章正心氣
非則文章不正當正而不正者心氣之偽也
與偽見於文章一直之詞表代多禍賢無由詩
文章之由直不由於心氣心氣之悲樂亦不由
賢人由於時故今宣州多君子閑暇而寬文章

之曲直纖微悉而備舉洞庭二客勉而客去之
鼓其風波之詞吾知夫樂莫大行也遂為詩曰
洞庭非入境道路行虛空二客月中下一帆天
外風魚龍波五色金碧樹千叢閃怪如可懼在
誠無不通扣奇驚浩森採異訪穹崇物表積高
韻人間訪仙公宣城文雅地謝守聲聞融證玉
易為力辨珉誰不同從茲阮籍淚且免泣途窮

送曉公歸廬山一作歸

廬山一作廬何崎嶇寺路緣翠微秋霽山盡出日
落人獨歸雲生高高步泉酒田田衣枯巢無還

羽新木有爭飛茲馬不可繼寒空清輝

送豆盧策歸別墅

短松鶴不巢高石雲不一作栖君今一作滿湘
去意一作與雲鶴齊力買奇險地手開清淺溪
身披薜荔衣一作山陝莓苔梯一卷冰雪文
避俗常自攜

送清遠上人歸楚山舊寺一作

波中出吳境霞際登楚岷水寺一別來一作三
改陰詩誇碧雲白道證青蓮心應笑泛萍者一作
應辨茅不知松隱深

山中送從叔簡

莫以手中瓊言邀世上名莫以山中蓬久向人
間行松栢有霜操風泉無俗聲應憐枯朽
此別離情

送蕭鍊師入四明山

閑於獨鶴心大於高松年迥出萬物表高樓四
明巔千尋直裂峯百尺倒瀉泉絳雪為我飯白
雲為我田靜言不語計作俗靈蹤時步天真思

孟東野詩集卷第七

孟東野詩集卷第八

山南西道節度參謀試大理評事平昌孟郊

送別

感別送從叔校書簡再登科東歸一首

送玄亮師一首 送李尊師玄一首

同書上人送郭秀才江南尋兄弟一首

春日同韋郎中使君送鄒儒立少府扶

侍赴雲陽一首

送從叔校書簡南歸一首

送韓愈從軍一首



同茅郎中使君送河南裴文學一首
送李翱習之一首

送丹霞子阮芳顏上人歸山一首

送從舅端適楚地一首

送盧汀侍御歸天德幕一首

送草書獻上人歸廬山一首

和薛先輩送獨孤秀才都赴嘉會

一首

送崔爽之湖南一首

送超上人歸天台一首

同李益崔放送王鍊師還樓觀兼為

郡公先營山居一首

張徐州席送岑秀才一首

送黃構擢第後歸江南一首

送道士一首
送孟寂赴舉一首

同漂陽宰送孫秀才一首

漂陽唐興寺觀普微花同諸公餞陳時

府一首

送柳渢一首

送殷秀才南遊一首

送青陽上人游越一首

奉同朝賢送新羅使一首

留弟郢不得送之江南一首

送陸暢歸湖州因憑題故人皎然答

陸羽墳一首

送淡公十二首

送魏端公入朝一首

送盧郎中汀一首

送鄭僕射出節山南一首

別妻家一首 贈姚怱別一首

贈竟陵盧使君度別一首

與韓愈李翱張籍話別一首

監察十五叔東齋招李益端公會別

一首

汴州別韓愈一首

贈別殷山人說易後歸一首

壽安西度奉別鄭相公二首

送別下

感別送從叔校書簡再登科東歸

長安車馬道高槐一作柳結浮陰下有名利人一

人千萬心黃鵠多遠勢滄溟無近濤怡怡靜退

姿泠泠思歸吟菱唱忽生聽芸書迴望深清風

散言笑餘花綴衣襟獨恨魚鳥別一飛將一沉

送玄亮師

蘭泉滌我襟杉月棲我心茗啜一作綠淨花經

誦清柔音何處笑為別淡情愁不侵

送李尊師玄

口誦碧簡文身是青霞君頭冠兩片月眉一作身
披一條雲松骨輕自飛鶴心高不羣

同書上人送郭一作秀才江南尋兄弟

地一作池上春色生眼前詩彩明手携片寶月言

是高僧名溪轉萬曲心一作石水流千里聲飛鳴

向誰去江鴻第與兄

春日同韋郎中使君送鄒儒立少府扶
侍赴雲陽

離思着百草絲絲生無窮側聞畿甸秀三振詞

策雄太守不韻俗諸生皆變風郡齋敞西清楚

瑟驚南鴻海畔帝一作高城望雲陽天色中酒酣

正芳景詩綴新碧叢服絲老萊並侍車江革同

過隋柳顛頰入落花蒙籠高步詎留足前程在

層空獨慙病鶴羽飛送力難崇

送從叔校書簡南歸一作東

長安別離道宛在東城隅寒草根未死愁入心

已枯促促水上景遙遙天際途生隨昏曉中皆

被日月驅北騎達一作對山岳南帆指江湖高蹤

一超越千里在須臾

送韓愈從軍

志士感恩起變衣非變性親賓改舊觀僮僕生
新敬坐作羣書吟行為孤劍詠始知出處心不
失平生正淒淒天地秋凜凜軍馬令驛塵時一
飛物色極四靜王師既不戰廟略在無競王粲
有所依元瑜初應命一章喻微明百萬心氣定
今朝旌鼓前笑別文天盛

同前即中使君送河南裴文學

河南有歸客江風繞行襟送君無塵聽舞鶴清

瑟音菱蔓綴楚掉日華正高岑如何謝文學還

起會雲

一作吟雲一
長

送李翱習之

習之勢翩翩東南去遙遙贈一作君雙履足二
為上臯橋臯橋路逶迤碧水清風飄新秋折藕
花應對吳語嬌千巷分淥波四門生早潮湖榜
輕裊裊酒旗高寥寥小時履齒痕有處應未銷
舊憶如霧星况見於夢消言之燒人心事去不
可招獨孤宅前曲篋一作醉中謠壯年俱悠悠
茲各焦焦執手復執手唯道無枯凋

送丹霞子阮芳顏上人歸山

松色不肯秋玉性不可染登山須正路飲水須
直流情鶴附書信索雲作衣裘仙村莫道遠
東招交游

送從舅端適楚地

歸情似泛空飄蕩楚波中羽扇掃輕汗布帆歸
細風江花折菡萏岸影泊梧桐元舅唱離別
生愁不窮

送盧汀侍御歸天德幕

仲宣領騎射結束皆少年匹馬黃河岸射鵬清

霜天旌旗防日北道路上雲出巖古雪無銷鏢新
冰有堆填清溪徒聳峭白壁自招賢豈比重思
者閉門方獨全

送草書獻上人歸廬山

狂僧不為酒狂筆自通天將書雲霞片直至清
明巔手中飛黑電象外瀉玄泉萬物隨指顧三
光為迴旋書雲霧對洗硯山晴鮮忽怒書地
虬噴然生風煙江人頓停筆驚浪恐傾船

和薛先輩送獨孤秀才上都赴嘉會

秦雲攀窈窕楚桂舉芳馨五色豈徒爾萬枝皆

有靈仙謠天上貴林詠雪中青持此一為贈送
君溯杳冥

送崔爽之湖南

江與湖相通二水洗高空定知一日帆使得
千里風雪唱與誰和俗情多不通何當逸
縱鶴飛起泥沙中

送趙上人歸天台

天台山最高動躡赤一作城霞何以靜雙目掃
山除妾花何以潔其性一作鑿瀨泉去泥沙靈
境物皆直萬松無一斜月中見心近雲外將世

賒山獸護方丈山猿捧袂衣袋遺身獨得身笑我
牽名華

同李益崔放送王鍊師還樓觀兼為羣
公先營山居

十一作千年白雲士一卷紫芝書來結崆峒侶還
期縹緲居霞冠遺彩翠月一作丹帔上空虛寄謝
泉壽水清冷閑有餘

張徐州席送岑秀才

振振芝蘭步昇自君子堂冷冷松桂吟生自楚
客腸哥鳥無定棲鷺蓬在宅鄉去茲門館閑即

彼道路長雨餘山川淨麥熟草木涼楚淚滴章
句京塵染衣裳贈君無餘它久要不可忘

送黃構擢第後歸江南

澹澹滄海氣結成黃香才幼齡思奮飛弱冠遊
三臺臺一鶚顧喬木衆禽不敢猜一驥騁長衢泉
歌不敢陪遂得會風雨感通如雲雷至矣小宗
伯確乎心不回能令幽靜人聲實喧九壤却憶
江南道祖筵花裏開春風不能別別罷空徘徊

送道士

千年山上行山上無遺蹤一日人間游六合人

騁宋刊
誤

百廿二

昔逢自有意中侶白寒徒相從

送孟寂赴舉

烈士不憂身為君吟苦辛男兒又失意寶劍亦
生塵浮俗官是貴君子道所珍況是聖明立豈
乏證玉臣濁水無白日清流墜蒼旻賢愚皎然
別結交當有因

同溧陽宰送孫秀才

廢瑟難為絃南風難為歌幽幽拙疾中忽忽浮
夢多清韻始嘯侶雅言相與和訟閑每徃招祖
送柰若何牽苦強為贈邦邑光裁裁

徒宋誤
從

溧陽唐興寺觀薔薇花同諸公餞陳明府
忽驚紅琉璃千艷萬艷開佛火不燒物淨香空
徘徊花下印文字林間詠觴盃羣官餞宰官此
地車馬來

送柳淳

青山臨黃河下有長安道世上名利人相逢不
知老

送殷秀才南遊

詩句臨一作離袂酒花薰別顏水程千里外岸
泊幾宵間風葉亂辭木雪猿清叫山南中多一作

古事詠遍始應還

送青陽上人遊越

秋風吹白髮微宦自蕭索江僧何用歎溪縣饒
寂寞楚思物皆清越山勝非薄時看鏡中月獨
向衣上落多謝入冥鴻笑予在籠鶴

奉同朝賢送新羅使

森森望遠國一洋秋海中恩傳日月外夢在波
濤東浪興豁胃臆泛程舟虛空既茲吟仗信亦
以難私躬實怪賞不足異鮮悅多叢安危所繫
重征役誰能窮彼俗媚文史聖朝富才雄送行

數百首各以鏗奇工冗隸竊抽韻孤屬思將同
留第郢不得送之江南

剛有下水船白日留不得老人獨自歸苦淚滿
眼黑

送陸暢歸湖州因憑題一作故人皎然
塔陸羽墳

湘渺雲寺前白蘋多清風昔游詩會滿今游詩
會空孤詠玉漣惻遠思景蒙籠村山塲塔禪竟
陵廣一作宵翁饒彼草木聲髣髴間餘聰因君
寄數句遍為書其藪追吟當時說來者實不窮

江調難再得京塵徒滿躬送君溪鴛鴦彩色雙
飛東東多高靜鄉芳宅冬亦崇手自擷甘旨供
養歡冲融待我遂前心收拾使有終不然洛岸
亭歸死為大同

送淡公十二首

燕本冰雪骨一作水越淡蓮花風五言雙寶刀
聯響高飛鴻翰苑錢舍人詩韻鏗雷公識本末
識淡仰詠嗟無窮清恨生物表朗玉傾夢中常
於冷竹坐相語道意冲嵩洛興不薄稽江事難
同明年若不來我作黃蒿翁何以兀其心為君

學虛空

坐愛青草上意含滄海濱渺渺獨見水悠悠不
問人鏡浪洗手綠剡花入心春雖然防外觸無
奈饒衣新行當譯文字慰此吟殷勤

銅斗飲江酒手拍銅斗歌儂是拍浪兒飲則拜
浪婆脚踏小船頭獨速舞短義笑伊漁陽操空
恃文章多閱倚青竹竿白日奈我何

短篔不怕雨白鷺相爭飛短楫畫菰蒲鬪作豪
橫歸笑伊水健兒浪戰求光輝不如竹枝弓射
鴨無是非先恐作光

射鴨復射鴨鴨驚菰蒲頭驚鷺亦零落彩色難
相求儂是清浪兒每踏清浪游笑伊鄉真即踏
上稱風流如何卍角翁至死不裹頭

師得天文章所以相知懷數年伊維同一旦江
湖乖江湖有故莊小女啼啾啾我憂未相識乳
養難和諧幸以片佛衣誘之令看齋齋中百福
言催促西歸來

伊洛氣味薄江湖文章多坐緣江湖岸意識維
纖鮮明波銅斗短篔行新章其奈何茲焉激切
向非是等閑歌製一作之附驛迴勿使餘風訛

都城第一寺昭成屹嵯峨為師書廣壁仰詠時
經過徘徊相思心老淚雙滂沱

江南寺中邑誰平地生勝山開元吳語僧

律韻高且閑妙樂溪岸平桂榜復往街辭還樹

石相關生紅綠各異顏風味我遙憶新奇師獨

攀

報恩兼報德寺與山爭鮮一作橙橘金蓋檻竹

蕉綠凝禪經童音韻細風磬清翻離腸繞師

足舊憶隨路延不知幾千尺至死方綿綿

鄉在越鏡中分明見歸心鏡芳步步綠鏡水日

日溪異刹碧天上古香清桂岑朗約後在首章
句忽盈今幸因西飛葉書作東風吟落我病枕
上慰此浮恨侵

牽師袈裟別師斷袈裟歸問師何苦去感
吃言語稀意恐被詩餓欲住將底依虛殷劉言
史餓死君已意不忍見別君哭君但是非

詩人苦為詩不如脫空飛一生空鳴氣非諫復
非饒脫枯挂寒枝葉如一唾微一步一步元半
片半片衣倚詩為活計從古多無肥詩饒老不
怨勞師後霏

送魏端公入朝

東洛尚淹玩西京足芳妍大賓威儀肅上客冠
劍鮮豈惟空戀闕亦以將朝天局促塵末吏幽
老病中絃後懷青雲價忽至白髮年何當補風
教為薦三百篇

送盧郎中汀

洛水春渡闊別離心悠悠一生空吟詩不覺成
白頭向事每計較與山實綢繆太華華天上開其
下車輒流縣街無塵土過客多淹留坐飲驛驛
酒行思獨山遊逸閑嵐氣明照渭空漪浮玉珂

百其葉

擺新歡聲與鸞鳳儔朝謁大家事唯余去無由

送鄭僕射出節山南

一作副將與元僕射

國老出為將紅旗入青山再招門下生結束餘

病孱自笑騎馬醜強從驅駛間顧顧一作磨天

路裏裏鏡下顏文魄既飛越宦情唯等閑羨他

白面少多是清朝班惜命非所報慎行誠獨艱

悠悠去住心兩說何能刪

別妻家

芙蓉濕曉露秋別南浦中鴛鴦卷一作新贈遙

戀東牀空碧水不息浪清溪易生風參差坐一作

招宋誤

路成阻飄飄去恨一作無窮孤雲目雖斷明月心
相通私情詎銷鑠積芳在春藂

贈姚怱別

美人慶琴瑟不是無巧彈聞君郢中唱始覺知音難
驚蓬無遠根駛水多分瀾倦客賦出門疲馬思解鞍
何以寫此贈君握中丹

贈竟陵盧使君度別

春日千里火火中行子心孰不苦焦灼所行爲
負得山木豈無涼猛獸蹲清陰歸人憶懷一作平
坦別路多嶮嶽賴得竟陵守時聞建安吟贈別

折楚芳楚芳一作詵搖衣襟

與韓愈李翱張籍詩

別

朱絃奏離別華燈少光輝物色豈知異人心故
將遺客程殊未已歲華忽欲送人念先歸夜集
下寒露新鴈飛遠遊起重恨川水鴈書還一作
類飢鳥晨尤失相依馬跡遶應非
守閨闈常恐親朋阻獨行知

監察十五叔東齋招

李益端公會別

欲知惜別離馮水還清池此
地有君子芳蘭矣
歲幾手撥一作雜英作珮
意搖春夜一作思

莫作遠山雲循環無定期

汴州別韓愈

不飲濁水瀾空滯此汴河坐見遠岸冰本作盡
為遠海波四時不在家弊服斷線多遠客獨顛
顛春英落村作婆娑汴水鱗西流野桑無直柯
但為君子心歎息飲雉終匪他

贈別嚴山人說易後歸幽野

夫子說天地若與靈龜言幽人不知二一子
所敦秋月吐白夜涼風韻注源旁通忽已遠神
感寂下喧一悟袪萬結夕懷傾朝煩旅軻無停

波別馬嘶去轅般動荒草士會有知已論

壽安西渡奉別鄭相公二首

洛河向西道石波橫磷磷清風送君子車遠無
還塵春別亦蕭索况茲冰霜晨零落景易入鬱
抑抱難申百宵華燈宴一旦星散人歲去絃吐
箭憂來螿抽綸綿綿無窮事各各駛遶身徘徊
黃縹紗倏忽春霜覆相為物表物永謝區中姻
日嗟來教士仰望無由親

東都清風減君子西歸朝獨抱歲晏恨泗吟不
成謠貴遊意多味賤別情易消迴鴈憶前叫浪


在前半頁第五行

鳧念後漂悠悠孤飛景聳聳銜霜條味趣多滯
澀一作懶朋寡新僚病深理方晤悔至心自燒
寂靜道何在憂勤學空饒乃知城聞見始遂情
逍遙文字徒營織聲華諒疑驕顧慙耕稼士朴
略氣韻調善士有餘食佳昨冬生苗養人在養
身此日清如韶願貢高古言敢望錫類招

孟東野詩集卷第八




林畧宋
林畧
百州葉
錫望
錫望
宋誤



孟東野詩集卷第九

山南西道節度參謀試大理評事甲昌孟
詠物
詩



宇文秀才齋中海柳詠一首

檉柳一首 曉鶴一首

和薔薇花歌一首

邀人賞薔薇一首

和宣州錢判官使院廳前石榴樹一

首

酬鄭毗躑躅詠一首

品松一首

答李負外小榼味一首

井上枸杞架一首

蜘蛛諷一首 蚊一首

燭蛾一首

和錢侍郎甘露一首

雜題

和令狐侍郎郭郎中題項羽廟一首

讀張碧集一首 聽琴一首

聞夜啼贈劉正元一首

喜雨一首

終南山下作一首

觀種樹一首

春後雨一首

答友人贈炭一首

爛柯石一首

尋言上人一首

噴玉布一首

姑蔑城一首

崢嶸嶺一首

尋裴處士一首

子慶詩一首

憇淮上觀公法堂一首

江邑春霖奉贈陳侍御一首

漂陽秋霽一首 列仙文四首

右方諸青童君一首

清虛真人一首

金母飛空歌安度明一首

夏日謁智遠禪師一首

訪嵩陽道士不遇一首

聽藍溪僧為元居士說維摩經一首 借車一首

喜符郎詩有天縱一首

憑周況先輩於朝賢乞茶一首

上昭成閣不得於從姪僧悟空院嘆

一嗟一首

讀經一首

謝李翰再到一首

忽不負喜盧仝書北歸洛一首

詠物

宇文秀才齋中海柳詠

玉縷青歲蕤結為芳樹姿忽驚明月鈎鈎出

珊瑚枝灼灼不死花蒙蒙長生絲飲栢况一作仙

味詠蘭一作古詞霜風清颼颼與君長相思

搖柳一作挂柳

弱弱本易驚看看勢難定因風似醉舞盡日不

能正時邀詠花女笑鞦韆春粧鏡

曉鶴

曉鶴彈古舌婆羅門叫音應吹天上律不使塵
中尋虛空夢皆斷歎啼安能禁如開瓶月口似
說明星心既非人間韻在作人間禽不如相將
去碧落窠巢深

和薔薇花歌

仙機札札一作織鳳凰花開七十有二行天霞
落地攢紅光風枝嫋嫋時一颺飛散葩蕞遠空
王忽驚錦浪洗新色又似宮娃逞羅飾終當一
使移花一作根還比蒲桃天上植

邀人賞薔薇

蜀色庶可比楚叢亦應無醉紅不自力狂豔如
索扶麗蕊惜未掃死枝長更紆何人是花侯詩
老強相呼

和宣州錢判官使院廳前石榴樹

大朴既一剖象材爭萬殊懿茲南海華來與地
壤俱生長如自惜雪霜無凋渝籠籠抱靈秀簇
簇抽芳膚寒日吐再艷賴子流細珠鴛鴦花數
重翡翠葉四鋪雨洗新雉色一枝如一姝聳異
敷庭際傾妍來坐隅散彩飾机枝餘輝盈盤盂

高意一作因造化常情逐榮枯
主公方寸中陶植在須臾
養此奉君子賞觀日為娛
始覺石楠詠價傾賦西都
棠頌庶可比桂詞難以踰
因謝丘墟木空採一作落泥塗時來開佳宴
道去卧枯株爭芳無由緣
受氣如鬱紆抽肝在翠
匠嘆息何踟蹰

酬鄭毗躑躅詠

不似人手致豈關地勢偏
孤光裏餘翠獨影舞多妍
迸火燒閑地紅星墮青天
忽驚物表物嘉客為留連

品松

追悲謝靈運不得殊常封
縱然孔與顏亦莫及此松
此松天格高聳異千萬重
孤擎拒古手擘裂少室峯
擘裂風雨掣孤擎指爪臍
道入難抱心學生易墮
蹤時時數點仙嫋嫋一線
龍霏微嵐浪際遊戲顯興
濃品松徒高高雌鳴一作詎
嘩嘩賞異尚可貴賞潛誰
能容名筆非典實翦素徒
織葺刻削大雅文所以不
敢慵

荅李負外小榼味

一拳芙蓉水傾玉何泠泠
仙清夙已高詩味今

更釐試啜月人骨再銜愁盡醒荷君道古誠使
我善飛一作翎

井上枸杞架

深鎖銀泉甃高葉架雲空不與凡木並自將仙
蓋同影踈千點月聲細萬條風送子鄰清外飄
香客位中花盃承此飲椿歲小無窮

口口口蜘蛛諷

萬類皆有性各各稟天和蠶身與汝身汝身何
太訛蠶身不為已汝身不為它蠶絲為衣裳汝
絲為網羅濟物幾無功害物日已多百蟲雖切

恨其將奈爾何

口口口蚊

五月中夜息饑蚊尚營營但將膏血求豈覺
性命輕顧已寧自愧飲人以偷生願為天下
惻一使夜景清

口口口燭蛾

燈前雙舞蛾狀生何太切想爾飛來心惡明不
惡滅天若百尺高應心去掩明月

口口口和錢侍郎甘露

玄天何以言瑞露青松繁忽見垂書跡還驚涌

灃源春枝晨嫋嫋香味曉翻翻子禮忽來獻
臣心固易敦清風惜不動薄霧肯蒙養日嘉晝
色更晶仁慈久乃存一方難獨占天下恐爭論
側聽飛中使重榮華十作德門從公樂萬壽
餘慶及兒孫

呂雜題

和令狐侍郎郭郎中題項羽廟

碧草凌古廟清塵鎖秋窓當時獨宰割猛志誰
能降鼓氣雷作敵劍光電為雙新悲徒自起舊
恨一懷一斷空浮江

讀張碧集

天寶太白歿六義已消歇大哉國風本喪而王
澤竭先生今復生斯文信難缺下筆證興亡陳
詞備風骨高秋數奏琴澄潭一輪月誰作採詩
官忍之十作不揮發

聽琴

颼颼微雨收翻翻一作葉鳴月沉亂峯西寒
落三四星前溪忽調琴隔林寒瑤瑤聞彈正弄
聲不敢枕上聽迴燭整頭簪漱泉立中庭定步
履一作齒深見禪目冥冥微風吹衣襟亦認宮

徵聲學道三十年未免憂死生聞彈一夜中會
盡天地情

聞夜啼贈劉正元 七言

寄汝須寄黃河泉此中怨聲流徹方一作天愁入
獨有夜燈見一紙鄉書淚滴穿

喜雨

朝見一片雲暮成千里雨淒清濕高枝散漫沾
荒土

終南山下作

見此原野秀始知造化偏山村不假陰流水自

一作雨田家：梯碧峯門：鏤青煙因思一作骨
人化作飛桂仙

觀種樹

種樹皆待春：至難久留君看朝夕花誰免別
離愁心意已零落種之仍未休胡為好奇者无
事自買憂

春後雨

昨夜一霎雨天意蘇羣物何物最先知虛庭
草草出

答友人贈炭 七言

青山白屋有仁人贈炭價重雙南銀驅却坐
上千重寒燒出爐中一片春吹霞弄日光不寒暖
得曲身成直身

爛柯石

仙界一日內人間千歲窮雙甚若未徧局萬物皆
為空樵客返歸路斧柯爛從風唯餘石橋在

問宋刊
編宋刊
偏

猶自凌丹虹

尋言上人

萬里莓苔地不見驅馳縱惟開文字窓特寫日
月容竹韻漫蕭屑草花徒織一作茸披霜入衆

凌丹虹下書棚亦有
一亦猶有靈丹紅七
字

木獨自識青松

噴玉布

去塵咫尺步山笑康樂巖天開紫石屏泉繞
樓明月簾仙凝刻削跡靈紋雲霞織悅開若有
待瞥見終無厭俗玩詎能近道嬉方可凌踏着
不死機欲歸多浮嫌古醉今忽醒今求古仍潛
古今相共失語默兩難恬贈君噴玉布一濯高
嶺新

姑蔑城

勁越既成土強吳亦為漢皇風一已被茲邑信

宋誤
百坑葉

平居撫俗觀舊跡行春布新書興亡意何在綿
歎空躊躇

崢嶸嶺

躡蹻順高下結構橫煙霞坐爾郡齋爾玩奇石
路斜古樹浮綠氣高門結朱華始見崢嶸狀仰
止逾可嘉

尋裴處士

涉水更登陸所向皆清真寒草不裁徑雲峯知
有人悠哉鍊金客獨與煙霞親曾是欲輕舉誰
言空隱淪遠心寄白月一作華法迴青春對此

欽勝事胡爲勞我身

子慶詩

王家事已高孟氏慶無涯獻子還生子義之又
有之鳳兮且莫歎鯉也會聞詩小小豫章甲織
織玉樹姿人來唯仰乳母抱未知慈我欲掠其
養放麀者是誰

憩淮上觀公法堂

動覺日月短靜知時歲長自悲道路人暫宿空
閑堂孤燭讓清畫紗巾斂輝光高僧積素行事
外無剛強我有巖下桂願爲爐中香不惜青翠

姿為君一作楊芬芳淮水色不汚汴流徒渾黃
且將琉璃意淨綴芙蓉章明日還獨行羈愁來
舊腸

江邑春霖奉贈陳侍御

江上花木凍雨中零落春應由放忠直在此成
漂淪嘉艷皆損汚好音難殷勤天涯多遠限雪
涕盈芳辰坐突青草上卧吟幽水濱興言念風
俗得意唯波鱗枕蓆病流濕簷楹若飛津始知
吳楚水不及京洛塵風浦蕩歸棹沉陂陷征輪
兩途日無遂相贈唯沾巾

溧陽秋霽

晚雨晚猶在蕭家激前階星星滿衰髮耿耿入
秋懷舊識半零落前心驟相乖飽泉亦恐醉傷
官肅如齋上客處華池下寮宅枯崖叩高占生
物齟齬回難諧

列仙文

大震霏晨暉元氣無常形玄轡飛霄外八景乘
高淸手把玉皇袂携我晨中生玄挺自嘉會金
書旌華名賢女密所妍相期落水耕

石方諸青童君

欲駕空清虛徘徊西華館瓊輪暨夜抄虎騎逐
煙散惠風振丹旌明燭朗八煥解襟壙房內神
鈴鳴璫璫栖景若林柯九絃空中彈遺我鎖世
憂釋此千載款怡明無極已終夜復待旦

清虛真人

駕我八景輿款然入玉清龍臺拂霄上虎旗攝
朱兵迢迢三絃際萬流無曾停哀曲去留會劫
盡天地傾當尋無中景不死亦不生體彼自然
道寂觀合大冥南嶽挺直幹玉英曜穎精有任
靡期事無心自虛靈嘉會絳河內相與樂朱英

金母飛空歌安度明

丹霞煥上清八風鼓太和迴我神霄肇遂造嶺
玉阿咄嗟天地外九圍皆我家上採白日精下
飲黃月華靈觀空無中鵬路無間邪顧見翹賢
安濁氣傷汝和勤研玄中思道成更相過

夏日謁智遠禪師

吾師當幾祖說法云無空禪心三界外宴坐元
地中院靜鬼神去身與草木同因知護王國滿
鉢盛毒龍斗藪塵埃衣謁師見真宗何必千萬
劫瞬息去樊籠盛夏火為日一堂十月風不得

為弟子名姓掛儒宮

訪嵩陽道士不遇

先生五兵遊文焰藏金鼎日下鶴過時人間空
落影常言一粒藥不墮生死境何當列衆冠去
問仙人請

聽藍溪僧為元居士說維摩經

古樹少枝葉真僧亦相依山木自由直道人無
是非手持維摩偈心向居士歸空景忽開霽雪
花猶在衣洗然水溪晝寒物生光輝

借車

借車載家具家具少於車借者莫彈指貧窮何
足嗟百年徒校一作走萬事盡隨花

喜符即詩有天縱

念符不由級吃得文章階白玉抽一毫綠珉已
難排偷筆作文章乞墨磨磨措海鯨始生尾試
播蓬壺洞幸當禁止之勿使恣狂曠自悲無子
嗟喜如雙啣

憑周況先輩於朝賢乞茶

道意勿乏味心緒病無惊蒙茗玉花盡越臨荷
葉空錦水有鮮色蜀山饒芳叢雲根纔翦綠印

縫已霏紅曾向貴人得最將詩更同幸為乞寄
來救此病計作劣躬

上昭成閣不得於從姪僧悟空院嘆嗟
欲上千級一作問問天三四言未盡數十登心
目風浪翻手手把驚魄脚踏墜魂却流至蒼
手傍掣猶欲奔老病但自悲古臺木萬痕老力
安可誇秋海萍一根孤叟何所歸晝眼如黃昏
常恐失好步入彼市井門結僧為親情策竹為
子孫此誠徒切切此意空存存一寸地上語高
天何由聞

魏博田與尚書聽嬖命不立非夫人詩
君子恥古禮如饒魚吞鈎昨聞敬嬖言掣心東
北流北流田尚書與禮相網繆善詞聞天下一
日一再周

讀經

垂老抱佛脚教妻讀黃經經黃名小品一紙千
明星曾讀大般若細感時響聽當時把齋中方
寸抱萬靈忽復入長安蹴踏日月寧老方却歸
來收拾可丁丁拂拭塵机按開函就依亭儒書
難借索僧籤鏡芳馨驛驛不開手鏗鏗聞異鈴

得善如焚香去惡如脫腥安得顏子耳曾未如此聽聽之何有言德教貴有形何言中國外有國如海萍海萍國教異天聲各冷冷安排未定時心火競熒熒將如庶幾者聲盡形元冥

謝李輞再到

等閑拜日晚夫妻猶相瘡況是賢人究何必哭飛揚昨夜夢得劍為君藏中腸會將當風烹血染布衣裳勞君又扣門詞句失尋常我不忍出廳血字濕土牆血字取不滅我心懼惶惶會有鏗鏘夫見之目生光生光非等閑君其且安詳

又宋誤

忽不貧喜盧仝書船歸洛

貧孟忽不貧請問孟何如盧仝歸洛船崔嵬但載書江潮清翻翻淮潮碧徐徐夜信為朝信朝信良卷舒江淮君子水相送仁有餘我去官色衫有經入君廬喃喃有經即言語傾琪瑤琪瑤鏗好詞鳥鵲躍庭除書船平安歸喜報鄉里問我願拾遺柴巢經於空虛下免塵土侵上為巢其雲霞居日月更相鎖道義分明儲不願空岩冕但願實工夫實空二理微分別相起予經書荒蕪多為君勉勉鋤勉不敢專傳之方在諸

四
五

四
五

宋刊無孟東野云八字
陳澧卷九二字注在詩末
行末

孟東野詩集卷第九



孟東野詩集卷第十

山南西道節度參謀試大理評事平昌孟郊

哀傷

弔國殤一首 弔比干墓一首

弔元魯山十首 哭李觀一首

李少府聽弔李元賓遺字一首

悼吳興湯衡評事一首

哀孟雲卿嵩陽荒居一首

哭盧貞國一首 傷舊遊一首

弔房十五次卿少府一首

逢江南故書上人會中鄭方回一首

哭秘書包大監一首

悼幼子一首 悼亡一首

弔李元賓墳一首

覽崔爽遺之因行幽懷一首

峽哀十首 書場九首

弔江南老家人春梅一首

哭李丹貞外并寄杜中丞一首

哭劉言史一首弔盧殷十首

聯句

有所思聯句一首

遺興聯句一首

贈劍客李園聯句一首

讚

讚維摩詰一首

書

上常州盧使君書一首

及上養生書一首

哀傷

□□□弔國殤

徒言人最靈白骨亂縱橫如何當春死不及羣
草生堯舜宰乾坤器農不器兵秦漢盜山岳鑄
殺不鑄耕天地莫生金生金人競爭

□□□弔比干墓

殷辛帝天下賦為天下尊乾綱既一斷賢愚無
一門佞是福身本忠是喪已源餓虎不食子人

無骨肉恩日影不入地下埋冤死鬼有骨不為
土應作直木根今來過此鄉下馬弔此墳靜念
君臣間有道誰敢論

〇〇〇弔元魯山十首

搏鷲有餘飽魯山長飢空豪人飲鮮肥魯山飯
蒿蓬食名皆霸官食力乃堯農君子恥新態魯
山與古終天璞本平一人巧生異同魯山不自
剖全璞竟沒躬

自剖多是非流濫將何歸奔競一作立詭節凌
侮爭怪輝五帝坐銷鑠萬類隨衰微以茲見魯

山道蹇無所依

君子不自蹇魯山蹇有因苟舍天地秀皆是天
地身天地蹇既甚魯山道莫伸天地氣不足魯
山食更貧始知補元化竟須得賢人

賢人多自竊道理與俗乖細功不敢言遠韻方
始諧萬物飽為飽萬人懷為懷一聲苟失所眾
憾來相排所以元魯山饑衰難與偕

遠階無近級造次不可昇賢人繫腸胃寒日空
澄凝血誓竟訛繆膏明易煎蒸以之驅魯山跡
迹去莫乘

宋刊脫續字非脫也挖
補空字仲連於辛未九月
借黃氏書重校

宋刊脫難字

言從魯山宦盡化克時心豺虎取狂噬齒牙閉
霜金一作競來闢田土相與耕嶺岑當宵無關
鎖竟歲饒歌吟善教復一作天術美詞非俗箴
精微自然事視聽不可尋因書魯山續慶合篇
韶音

蕭韶太平樂魯山不虛作千古若有知百年幸
如昨誰能嗣教化以此洗淨薄君臣貴深遇天
地有靈靈力運既艱難德符方合莫名位苟虛
曠聲明自銷鑠禮法雖相救貞濃易糟粕哀哀
元魯山畢竟誰能度

百四九

宋刊當今富教化連上
為一首恐誤

當今富教化一作理朝一作元后得賢相冰心鏡裏
古霜議清遐障幽埋盡洗洗滯旅免流浪唯餘
魯山名未獲一作康讓二三貞苦上刷視聳危望
髮秋青山夜目斷丹闕亮誇類幸從茲嘉招固
非妄小生奏狂猶感揚增萬狀
黃犢不知孝魯山自駕車非賢不可妻魯山竟
無家供養恥它力言詞豈纖瑕將謠魯山德曠
海誰能涯

遺嬰盡鶴乳何況肉骨枝心腸結苦誠曾臆垂
甘滋事已出古表誰言獨今奇賢人學萬物信

庶宋刊

涕流前詩

吳李觀

志士不得老多為直氣傷阮公終日哭壽可固
難長顏子既祖謝孔門無輝光文星落奇蹟實
劍摧脩鉞常作金應石忽為宮別商為爾弔琴
瑟斷絃難再張偏轂不可轉隻翼不可翹清塵
無吹噓委地難飛揚此義言所重此風今已亡
自聞喪元賓一日九狂沉痛此文夫驚呼彼
穹蒼我有出俗韻勞君疾惡腸知音既已矣微
言一作善誰能彰旅葬無高墳栽一作松不成行

宋誤
白字葉

哀歌動寒日贈浹沾晨霜神理本窅窅一作今
來更茫茫何以湯悲懷萬事付一觴

李少府廳弔李元賓遺字阮瑨

其辭

零落三四字忽成千萬年那知冥冥客不有補
亡篇斜月弔空壁旅人難獨眠一生能幾時百
慮來相煎戚戚故交浹幽幽長夜泉已矣難重
言一言一潛然

悼吳興湯衡評事

君生在一作雲水清君歿雲水渾空令骨肉情哭

得白日昏大夜不復曉古松長閉門琴絃絳水
絕詩句青山存昔爲芳春頽今爲荒草根獨問
冥冥理先儒未曾言

哀孟雲卿嵩陽荒居

戚戚抱幽獨晏晏沉萊居不聞新歡笑但覩舊
詩書藝蘖意彌苦耕山食無餘定交昔何在至
戚今或踈薄俗易銷歇淳風難久舒秋蕪上空
堂寒槿落枯渠雜草恐傷苗攝衣自理鋤殘芳
亦可餌遺秀誰忍除徘徊未能去爲爾涕漣如
哭盧貞國

一別難與期存亡易寒燠下馬入君門聲悲不
成哭自能富才藝富異深榮祿皇天負我賢遺
恨至兩目平生嘆無子家事親相囑

傷舊遊

七言

去春會處今春歸花數不減人數稀朝笑空片時
暮成泣東風一向還西輝

弔房十五次卿少府

日高方得起獨賞些些春可惜宛轉鶯好音與
它人昔年此氣味還走曲江濱逢着韓退之結
交方殷勤蜀客骨目高聰辯劍戟新如何昨日

歡今日見無因英哥一謝世視聽一為塵誰言
老淚短淚短沾衣巾一作老

逢江南故畫上人會中鄭方回詩人

此詩對相贈本
以為定日之念

相逢失意中萬感因語至追思東林日掩抑北
却淚筐篋有遺文江山舊清氣塵生道遙注
霜墨故飛動字荒毀碧澗居虛無青松位珠沉
百泉暗月死羣象闕永謝平生言知音豈容易
○○○哭祕書包大監

哲人卧病日賤子泣玉年常恐寶鏡破明月難

再圓文字未改妻聲容忽歸玄始知知音稀十
載一絕絃舊館有遺琴清風那復傳

○○○悼幼子

一閉黃蒿門不聞白日事生氣散成風枯骸化
為地負我十年恩欠爾千行淚洒之北原上不
待秋風至

○○○悼亡雜言

山頭明月夜增輝不照重泉下泉下雙龍無再
期金蠶玉鷲空銷化朝雲暮雨成古墟蕭蕭野
竹風吹亞

□□□□弔李元賓墳

曉上荒涼原弔彼冥冥鬼眼咽此時淚耳悽在
日言寂寂千萬年墳鎖孤松根

□□□□覽崔爽遺文因村幽懷離君殘

墮淚數首文悲結千里墳蒼旻且留我白日空
遺君仙鶴未巢月哀鳳先墜雲清風獨起時舊
語如再聞瑤草罷歲紫桂花休氛氲萬物與我
心相感吳江濱

峽哀十首

昔多相與笑今誰相與哀峽哀哭幽鬼一作夢

噉風吹來墮魄抱空月水沒難自裁壘粉一閃
聞春濤百丈一作雷一作水聲不平碧沲牽清洄
沙稜箭箭一作急波一作斷斷開呀彼無底吮待
此不測災谷號相噴激石怒爭旋回古罪有復
鄉今縲多為能字孤徒髮鬢樹雪猶驚猜薄俗
少直腸交結須橫財黃金買相弔幽泣無餘淮
我有古心意為君空一作雜類
上天下天水出地入地舟石劍相劈斫石液怒
蛟虬花木疊宿春風感一作凝古秋幽怪窟穴語一作飛
聞貯響流沉哀日已深衡訴將何求

三峽一線天三峽萬壑泉上仄碎日月一掣狂
漪連破魄一兩點凝幽數百年吹暉不停午味
險多饑涎樹根鎖枯棺振骨裹髮懸樹枝哭霜
樓哀韻杳杳鮮逐客零落腸到此湯火煎性命
如紡績道路隨索綠真淚時年平波靈波靈將
閃然

峽亂鳴清磬為靛產一石為鮮鱗噴為腥雨延
吹作黑井身怪光閃眾曰天餓劍唯待人老腸未
曾飽古齒斬品噴嚼齒三峽泉三峽聲斷斷
峽嶠作老解語百丈潭下底聞毒波為計校飲

同
波未刊
坡下句
百五雷葉

血養子孫既非阜陶吏空食沉穢一作鬼潛怪
何幽幽魄說徒云云峽聽哀哭泉峽平餘寒後
峽清非人聲劍水相劈翻斯誰士諸謝卷此沉
苦言

論人峽虹心渴罪呀然得所食無直腸所語饒
鼻音石齒噲百泉石風號千琴為哀莫能遠分
羣何由尋月魄作高卓卓峽窈窕作清沉
嶺訴何時明抱痛已不禁羣飛空波濤裂石千

巖岑
峽徒割日月日月多摧輝物皆斜仄生鳥亦斜

仄飛潛石齒相鎖沉龜招莫歸恍惚清泉甲班
燭碧石衣銀藻潺湲流似冰冰肥峽春不可
遊腥草生微微

峽景滑易墮峽花怪非春紅光根滑淺碧雨飛
沃津巴谷蛟竭心巴海魁魁親噴生不問賢至
死獨養身醒語信者誰拗歌歡非真仄田無異
蘇尋水多瘴鱗異類不可友峽哀哀難伸

峽水劍戟奪峽舟霹靂翔因依虬蜴手起坐風
雨忙峽旅多窳官峽氓多非良滑心不可求滑
習積已長漠漠涎霧起斷斷涎水光渴賢知之

何忽在水此作中央

梟鴟作人語蛟虬吸山波能於白日間諂欲晴
風和駭智蹶衆命蘊腥布深羅齒泉無底貧錕
涎在處多仄樹鳥不巢踔搭猿相過峽哀不可
聽峽怨其奈何

杏殤九首并序

杏殤花乳也霜翦而落因悲昔嬰故作是詩
凍手莫弄珠弄珠珠易飛驚霜莫翦春翦春無
光輝零落小花乳爛班昔嬰衣拾之不盈把日
暮空悲歸

地上空拾星枝上不見花
衰衰孤老入戚戚無
子家豈若沒水鳥不如拾巢雅浪敲破便飛風
鷓鴣相誇芳嬰不復生向物空悲嗟

應是一線淡入此春木心枝枝不成花片片落
翦金春壽何可長霜衰亦已深常時洗芳泉此
日洗淡襟

兒生月不明兒死月始光兒月兩相奪兒命果
不長如何此英英亦為弔蒼蒼甘為墮地塵不
為末世一作芳

踏地恐土痛損彼芳樹根此誠天不知翦棄我

子孫垂枝有千落芳命無心存誰謂生人家春
色不入明

冽冽霜殺春枝枝疑織刀木心既零落山窵空
呼號班班落地英點點如明膏始知天地間萬
物皆不牢

哭此不成春淡痕三四班失芳蝶既狂失子老
亦孱且豈一作無生生力自一作有死死顏靈鳳
不銜訴誰為扣天關

此兒自見災花發多不諧窮老收碎心永夜抱
破懷聲死更何言意死不必惜病叟無子孫獨

立猶束柴

霜似敗紅芳，一作數雙參差，一作呻細風，一作噎涕。

一作淺江泣凝，一作不可消，一作恨壯難自降。

空遺舊日影，一作怨彼，一作小書牕。

弔江南老家人春梅

念爾筋力盡，一作遠我衣食恩，一作奈何處，一作獷兒生，一作鞭見

死痕舊，一作使常以禮新，一作怨究，一作將誰吞，一作胡為乎泥

中，一作群消，一作歇教義源。

哭李丹負外并寄杜中丞

生死方知交態存，一作忍將斷斷報，一作坐覓十年同在

白華七言

宋刊無為字

宋刊無為字

平原客更遣何人哭寢門

哭劉言史

詩人業孤峭，一作餓死良已多，一作相悲與相笑，一作累累其

奈何，一作精異，一作聖言史詩，一作腸傾珠河，一作取次抱置之。

一作飛過東溟波，一作可惜大國謠，一作颺為四夷歌。

常於衆中會，一作顏色兩切磋，一作今日果成死，一作葬裏

之洛河，一作洛岸遠相弔，一作酒淚雙滂沱。

弔盧殷十首

詩人多清峭，一作餓死抱空山，一作白雲既無主，一作飛出意

等閑，一作久病牀席尸，一作護喪童僕孱，一作故書窮鼠啣，一作狼

籍一室間君歸新鬼鄉我面古玉叶作顏羞見
入地時無人叫追攀古泉空相弔日又作行作衰
溝溝

唧唧復唧唧千古一月色新新復新新千古一
花春印風噫孟郊蒿秋葬盧般北印前後客相
弔為埃塵北印棘針草浹根生苦辛烟火不自
煖筋力早已貧幽薦一盃泣瀉之清洛濱添為
斷腸聲愁殺長別人

棘針風相號破碎諸苦哀苦哀不可聞掩耳亦
入來哭絃多煎聲恨涕有餘摧噫貧氣已焚噫

死心更仄夢世浮閃閃淡波深洄洄薤歌一以
去蒿閉不復開

登封草木深登封道路微日月不與光益昏空
生衣可憐無子翁批將綠病肌擊卧歲時長連
連但幽噫幽噫虎豹聞此外相訪稀至親唯有
詩抱心死有歸河南韓先生後君作因依磨一
片嶽巖書千古光輝

賢人無計校生苦死徒誇宅名潤子孫君名潤
泥沙可惜千首文因如一朝花零落難苦言
執起坐空驚

耳聞兩卷生眼見魯山君餓死始有名
誠之高
每食蕙叟老壯氣感之為憂雲所憂唯
一泣古
今相紛紛平生與君說建此俱云云

初識潦鬢髮事為新文書夜路明月橋店飲吾

曹床醉吸二盃釀名郁一縣香寺中摘梅花園

裏翦浮芳高嗜綠蔬一作羹煮鞋肥膩羊一作

無洋韻言語多古腸白首忽然至成年如偷將

清濁俱莫追何須罵滄浪

前賢多哭酒哭酒免哭心後賢試斷之哀至氣

不深少年哭酒時白髮亦以侵老年哭酒時

韻隨生沉寄言哭酒賓勿作登封音登封徒放
聲天地竟難尋

同人少相哭異類多相號始知禽獸癡却至天

然高非子病無淚非父念莫勞如何裁親疎用

樽如用刀孤喪鮮匍匐閉哀抱鬱陶煩他手中

葬誠信焉能褒嗟嗟無子翁死棄如脫毛

聖人哭賢人骨化氣為星文章飛上天列宿增

晶熒前古文可數今人文亦靈高名稱謫仙昇

降曾莫停有文死更香無文生亦腥為君鏗好

辭永傳作謚寧

口聯句

有所思聯句

相思繞我心日夕千萬重
年光坐晚晚春淡銷
顏容如臺鏡晦舊暉
庭草滋新茸望天山上石
別劍水一作中龍愈

遣興聯句

我心隨月光寫君庭中央
郊月光有時晦我心
安所忘愈常恐金石契
斷為相思腸郊平生無
百歲岐路有四方愈四方
各異俗適意非所將
郊駕蹄顧挫抹逸翻遺
稻梁愈時危抱獨沉道

意宋刊

秦懷同翔郊獨居之寂默
相顧聊慨慷慨慷文
夫志可以耀鋒鉉郊遠
窳知卷舒孔顏識行藏
愈朗鑒諒不遠佩蘭未
芬芳郊苟無夫子聽誰
使知音揚愈

贈劍客李園聯句

天地有靈術得之者唯君
郊築爐地區外積火
燒氛氲愈照海鏢幽怪
滿空歎異氛郊山磨電
奔奔水淬龍蝮愈六一
裝以寶列仙篆其文
郊可用懾百神豈唯壯
三軍愈有時幽匣吟忽
似深潭聞郊風胡久已
死此劍將誰分愈行當

百六十一葉

獻天子然後致殊勲邇豈如豐城下空有斗間
雲食

言讚

讚維摩詰

兒是古印言是空音在酒不飲在色不淫非獨
僧禮亦使儒欽感此補亡書謝懸金

言書

上常州盧使君書

道德仁義天地之常也將有人主張之乎將無
人主張之乎曰賢人君子有其位言之可以周

天下而行也無其位則周身言之可也周身言
之可周天下言之不可也仲尼當時無其位言
之亦不可周天下而行也及至著書載其言則
周萬古而行也豈唯周天下而已哉仲尼非獨
載其言周萬古而行也前古聖賢得仲尼之道
則其言皆載之周萬古而行閣下道德仁義之
言已聞周天下誦之矣其後著書君子亦當
載矣周萬古而行也幸甚幸甚道德仁義之言
天地至公之道也君子著書期不朽亦天地至
公之道夫何讓哉是故不以道德仁義事其君

者以盜賊事其君也不以道德仁義之衣食養其親者是盜賊養其親也閤下既以道德仁義事其君聞之天下久矣小子顯求閤下道德仁義之衣食以爲養也謂之中庸之道謂之中庸則敢求也謂之特達則不敢求也小子嘗衣食宣武軍司馬陸大夫道德仁義之矣陸公既沒又嘗衣食此郡前守吏部侍郎韋公道德仁義之矣韋公既去衣食亦去道德仁義顯其主張謹載是書及舊文又有子遇之書同乎誠獻輕重可否傾一言陳謝誠冀於異日不宣郊再拜

又上養生書

天之與人一其道也天地不棄於人人自棄於天天可棄於人乎曰不可人自棄也已曰人皆棄之乎曰賢人君子不棄也凡人棄之可天有殺物之心而無棄物之心天有棄物之心則萬物莫能生矣是故君子之於萬物皆不棄也而況於身乎棄其身是棄其後也棄其後是棄其先也故曰君子之道豈易哉敢不法天而行身乎所以君子養其身養其公也小人養其身養其私也身以及家家以及國國以及天下以公

道養天下則天下肥也以私道養天下則天下
削也養身之道豈容易哉養其公者天道養也
養其私者人情養也以天道養其人則合天矣
以人情養其人則不合天矣以人情養其人自
棄矣天道質也人情文也天道靜也人情動也
質者生之侈也靜者生之得也動者生之棄也
文不以質勝之則文為棄矣動不以靜制之則
動為棄矣天者水之謂也人者魚之謂也魚棄
水則螻蟻得之矣人棄天則疾病得之矣魚可
安於水而不可翫於水其失也在乎恣波浪而

不迴也人可安於天而不可翫於天其失也
在乎恣嗜慾而不迴也所謂安於天者法天之味
而食之食不違於四時也法天之聽而聽之聽
不違於五節也法天之明而視之視不違於五
色也食與視聽苟違於天則疾病得之矣故曰
君子法天而行身也小人翫天而棄身也書之
座右嵇康猶有所棄秦之醫和晉之杜蒯其亦
不書於右則何以為君子之座哉良藥苦口也
苦口獲罪於人苟或有矣仁義之獲罪於天未
之有也恩養下將遠辭違書寫至誠之言不勝

惶悚之甚不宣郊再拜

孟東野詩集卷第十

五卷宋刊脫卷字

孟東野詩集序

東野詩世傳沈氏錄本五卷一百二十四篇
周安惠本十卷三百三十一篇別本五卷三
百四十篇蜀人寒濬用返之贈郊句莫歲池
集二卷一百八十篇自餘不為編秩雜錄之
家家自異今總括遺逸擿去重複若體製不
類者得五百一十一篇整別樂府感興詠懷
游適居處行役紀贈懷寄酬答送別詠物雜
題哀傷聯句十四種又以贊書二系于後合
十卷嗣有所得當次第六諸十聯句見昌黎

宋本玩物字

集章章於時此不著云集賢放理常山宋敏
水題

孟東野詩集後序

孟郊本傳

孟郊者少隱於嵩山稱處士李翱分司洛中與
之遊薦於留守鄭餘慶碑為賓佐性孤僻寡合
韓愈一見以為忘形之契常稱其字曰東野與
之唱和於文酒之間鄭餘慶鎮興元又奏為從
事碑書下而碑餘慶給錢數萬葬送贍給其妻
子者累年



貞曜先生墓誌 韓愈

唐元和九年歲在甲午八月乙亥貞曜先生孟
氏卒無子具配鄭氏以告愈走泣哭且召張籍
會哭明日使以錢如東都供葬事諸嘗與往來
者咸來哭弔韓氏遂以書告興元尹故相餘慶
閏月樊宗師使來弔告葬期微銘愈哭曰嗚呼
吾尚忍銘吾友也夫興元尹以幣如孟氏賻且
來商家事樊子使來速銘曰不則無以掩諸幽
乃序而銘之先生諱郊字東野父庭玢娶裴氏
女而選為崑山尉生先生及二季鄴郢而卒先

生生六七年端序則見長而愈騫涵而揉足內
外貌好色夷氣清可畏而親及其為詩劇目鉢
心物迎縷解鈎章棘句指擢胃賢神施鬼設間
覓層出唯其大翫於詞而與世採撮人皆劫劫
我獨有餘有以後時開先生者曰吾既儕而與
之矣其猶足存耶年幾五十始以尊夫之人命
來集京師從進士試既得即去間四年又命來
選為漂陽尉迎侍漂上去尉二年而故相鄭公
尹河南奏為水陸運從事試協律郎親拜其母
於門內母卒五年而鄭公以節領興元軍奏為

其軍參謀試大理評事曰其妻行之興元次于
閩鄉暴疾卒年六十四買棺以斂以二人輿歸

其妻貞

鄴鄴皆在江南十月庚申樊子合凡贈賻而葬
之洛陽東其先人墓左以餘財附其家而供祀

其葬云

將

張籍

曰先生揭德振華於古有光

賢者故事有易名沉士哉如曰貞曜先生則姓

名字行有載不從一作講說而明皆曰然遂用

之初先生所與俱學同姓簡於世次為叔父由

給事中觀察浙東曰生吾不能舉死吾知恤其

家銘曰

於戲貞曜 維出不訾 維持不倚 維卒不
施 以昌其詩

黃復翁於乾隆甲寅秋得小字宋刊孟東野集十卷於蔣賓
峒處雖宋時已往脩版然在諸刻中為最善細校一過又
有舊鈔黑格綿紙首題孟東野詩集結銜題山南西道
節度參謀試大理評事平昌孟郊亦十卷無提目末題臨
府桐前北睦親坊南陳宅經籍鋪印又復翁於嘉慶庚
子購得殘宋刻孟東野文集十卷本目錄尚全後五
卷缺出果溪故家卷中有翰林國史院官書朱記亦
俱借本校終不如小字本之取精善也

嘉慶壬申三月三日香嚴居士周錫瓚記



古人藏書最重通假非特利人抑且利己知予與



香嚴居士為忘年交所藏書必通假之妙人知

利人我謂利己此何以說即如此集余所藏共有三

本香嚴跋已詳言之予自歲乙亥以來百宋二墨中完

壁斷珪一旦俄空焉殆天與我以好不與我以力耶然書

庶幾故智未克盡除故抄寫校讎言之力尚可別我所好前

香嚴在日曾借手錄藏咸陶淵明集宋刊精本影寫

一過其籤題圖記無不影摹茲手與東野集亦宋刊精

本未及假錄而香嚴作古因從其文孫處假歸因珍

重不便假手鈔存命三孫美鑄錄之閱歲始就還書

日重感故人子孫不忘通假高誼俾予得鈔錄以

觀且多香嚴手校異同尤得所指南云 甲申五月



書



